

Quiché 1 - Tz'ibatalic - Salvation Scriptures

- Aj Epesib 2:2 Xiban ri mac jas ri u beya'l we uwächulew ri', xinimaj ri nim u banic ri c'o u takanic pa ri quiakik', ri uxlabal ri cätakan paquiwi' ri man queniman ta che ri Dios.
- Ri Matey 6:10 Chpet ri ajawibal la. Chban ri rayibal la cho ri uwächulew, jacha' ri cäban chicaj.
- Ri Lucax 22:42 xubij: "Tat, we are' ri rayibal la, najtajisaj la we kumubal ri' chwe; are c'u mabanataj ri nu rayibal xane' are' ri rayibal la."
- Ri Xuan 16:7-9 Ri in c'ut quinbij ri kastzij chiwe: Are c'o quiwechbej na chi quinbec. We ta c'u ma ta quinbec, ri Cucu'bisaj i C'u'x man cäpe ta ri' iwuc'. We c'u quinbec, quentaka ulok ri are' iwuc'. 8 Aretak cäpe ri are', culuc'utu' na chquiwäch ri winak re e aj uwächulew ri qui mac, ri suq'uilal xukuje' ri k'atan tzij. 9 Ri macaj cac'utun na rumal rech chi man quecojon ta chwe in;
- 2 Ucab Timotey 2:10 Rumal ri' quinch'ij conojel ri rikoj c'ax che cutzil ri e cha'om, rech xukuje' ri e are' cäquirik ri colobal ib ri c'o pa Crist Jesus ruc' ri junalicalaj juluwem.
- Aj Romab 15:20,21 pa qui cuinem ri etal xukuje' mayibal, rumal ri u cuinem ri Uxlabaxel, nu tzijom ri utzalaj tak tzij re colobal ib rumal ri Crist pa Jerusalen xukuje' pa tak niq'uiaj c'olbal chic, c'ä pa Ilir. 20 Je c'u ri', xincoj nu chuk'ab che u tzijoxic ri colobal ib jawije' ri man etamatal ta wi ri u bi' ri Crist. Rech jeri' man quinban ta jun chac ri chaplem can cumal niq'uiaj chic.
- Banoj 2:36,37 Chretamaj ba' ronojel ri tinimit Israel, ruc' jicomal chi kas are we Jesus ri', ri xrip alak, ri Dios u banom Ajawaxel che xukuje' Crist." 37 Aretak xquita' wa', xk'oxow canima', xquibij c'u che ri Lu' xukuje' chque ri e niq'uiaj takom chic: "Kachalal tak, ¿jas c'u ri rajawaxic cäkaban na?"
- Aj Hebreib 4:2 Ri uj xukuje' ka tom ri tzij re colobal ib junam jas ri e are'. Ri e are' c'ut man c'o ta xquechbej che ri u tatabexic ri tzij rumal rech chi man xecojon taj aretak xquitatabej.
- Ri Jeremiy 24:7 Quinya' quetamanic rech caquich'obo chi in ri' ri Ajawaxel, e are' c'ut ri nu tinimit in c'ut ri in qui Dios, rumal rech chi ruc' ronojel canima' quetzelej na wuc'.
- Banoj 16:14 C'o jun chchu' Lidiy u bi', are ajc'ay utzalaj tak atz'iak re morato re ri tinimit Tiatir, ri cuk'ijilaj ri Dios. Ri are' xutatabej ri tzij. Ri Ajawaxel xujak ri ranima' che u cojic ri tzij ri xubij ri Pawl.
- Ri Matey 13:14,15 Chquij catz'akat wi ri xubij ri Isaiy ri k'axal tzij, xubij:

'Quita' na ruc' ri i xiquin, man quich'ob ta c'ut. Quixca'y na ruc' ri i bak'wäch, man quiwil ta c'ut. 15 Are c'u ri canima' we winak ri' xcowiric, man căcraj taj quetan cuc' ri qui xiquin, xequitz'apij ri qui bak'wäch, rech man queca'y taj cuc' ri qui bak'wäch, rech man căquita' taj cuc' ri qui xiquin, rech man căquich'ob taj pa ri canima', man căquitzolk'omij ta quib, man quebencunaj ta c'ut.'

Ri Isaiy 6:9,10 Ri are' xubij chwe: "Jät, jabij che we tinimit ri' ri quinbij chawe: 'Pune' sibalaj quetatabenic, man quenojin ta na; pune' queca'yic man quech'obon ta na'. 10 Chatacarisaj ri u chomabal we tinimit ri' chach'uku' ri e qui xiquin, chatz'apij ri e qui bak'wäch, rech man quecuin ta queca'yic, mawi quech'obonic, rech man quetzelej ta wuc' quecunataj ta c'u ne."

Ri Marcux 4:11,12 Ri Jesus xubij chque: "Yo'm chiwe ix ri qui ch'obic ri jastak re ri rajawibal ri Dios ri man etamatatal taj nabe canok. Chque c'u ri niq'uijaj winak chic, ronojel căbix chque pa c'ambal tak no'j, 12 rech aretak queca'yic, man căquil taj, aretak quetanic, căquita', man căquich'ob taj, rech man căquitzolk'omij ta quib; man căsachtaj ta c'u ri qui mac."

Ri Xuan 12:39,40 Jeri' chi man xecuin taj xecojonic, xubij c'ut ri Isaiy xukuje': 40 "Ri Dios xumoyirisaj ri qui bak'wäch, xuban co che ri canima' rech man căquil ta ruc' ri qui bak'wäch, rech man căquich'ob ta pa ri canima', mawi quetzelej ta wuc', mebencunaj c'ut."

Aj Romab 11:7,8 ¿Jas c'ut? Ri sibalaj xquitzucuj ri winak aj israelib, man xquirik taj. Are c'u ri winak ri e cha'om e are' xerikowic. Ri e jule' chic xcowirisax ri canima'. 8 Jas ri tz'ibatalic: "Ri Dios xuya' jun uxlabal siquirinak chque bak'wächaj ri man queca'y taj, xiquinaj ri man quetan taj, c'ä pa ri k'ij camic."

2 Thessalonians 2:10,11 Ix xiwi, xukuje' ri Dios xrilo, chi uj tastalic tak winak chixo'l ix cojonelab. Xkaban ri suc', man c'o ta etzelal xriktaj chkij. 11 Jas ri iweta'm chic, xixkapixbej chijujunal xukuje' xkacu'bisaj i c'u'x, jas cuban jun tata' chque ri ralc'ual.

Ri Matey 13:18-23 "Chita' ba' ix ri c'ambal no'j chrij ri ajticonijel. 19 Ronojel jachin ri cuta' ri tijonic re ri rajawibal ri Dios, ri man cuch'ob taj, căpe ri itzel, cutokij ri ticom canok pa ri ranima'. Are wa' ri quel cubij ri xekaj pa ri be. 20 Ri xekaj chuxo'l tak abaj, are cubij ri winak ri cuta' ri tzij, chanim cucojo ruc' quicotemal. 21 Man c'o ta c'u u c'amal benak pa ri ulew, chanim casach u wäch. Aretak c'ut curik c'ax o cokataxic rumal rech ri tzij, chanim cătzakic. 22 Ri ija' ri ticom chquixo'l tak q'uij are cubij ri caquitatabej ri tijonic e aretak c'ut ri

ch'äcoj re we uwächulew ri' cuya' sibalaj oquem il chque xukuje' ri qui lok'ok'exic ri k'inom al quebusubu. Ronojel wa cujik'isaj ri tijonic man cuya' ta c'u chque chi quewächinic. 23 Ri xekaj pa ri utzalaj ulew, are cubij ri winak ri cuta' ri tzij, cuch'obo, cuya' c'u u wächinic. Ri jun ija' cuya' jun sient (100) u wächinic, jun chic cuya' oxc'al (60), ri jun chic cuya' juwinak lajuj (30)."

2 Ucab Aj Corintib 3:15,16 C'ä pa ri k'ij camic, aretak cäquisiq'uij u wäch ri u wuj ri Moises, yo'm ri jun ch'ukabal puwi' ri canima', jeri' man cäquich'ob taj. 16 Aretak cäquiya' can ri ojer c'asle mal xukuje' quecojon che ri Ajawaxel, quesax c'u na ri ch'ukabal.

Ri Isaiy 30:28 ri ruxlabic junam ruc' jun nima' ri tixtobinak ri copan c'ä chukul ri winak ri are' käpe che u cojic jun eka'bal chquij ri nimak tak tinimit che qui c'amic bic pa ri sachbal wächaj, cucoj na jun jiquibal rij qui wi' ri tinimit pa qui chi' che qui jech'obisaxic.

Ri Osey 11:3-7 Ruc' ronojel wa', in xinc'am u be ri tinimit Eprain xinc'ut c'ut ri binem chuwich, man c'u xquich'ob taj in ri' quebenchajij. 4 Cuc' tak colob re chuch'ujil, cuc' tak c'am que lok'ok'ebal c'uxaj, xebenjic' wuc'; xebennakajij chque ri nu palaj e jacha' ta ne alaj tak ac'alab ri c'ä quetunic, xinpachaba' na wib che qui tzukic, 5 e are tak c'ut ri e are' man xcaj taj xetzelej ta wuc'. Rumal ri' quetzelej na pa Ejipt, are c'u cajawin na ri Asiriy paquiwi'. 6 Ri ch'ich' re ch'o'j cakaj na paquiwi' ri qui tinimit cuq'uis c'u na tzij paquiwi' ri e qui cowirisabal, cäsachisax na qui wäch rumal quech tak ri chomanic ri quequibano. 7 Ri nu tinimit u takem u najtajisaxic rib chnuwich; caquirak qui chi' chicaj, man c'o ta c'u jachin ta cäyo'w ta ri to'banic chque.

Banoj 26:18 Chatwalij ba', chattac'alok. Nu c'utum c'u wib chawäch, che a cojic che pataninel xukuje' che k'alajisal quech ri jastak ri e awilom xukuje' ri jastak ri quinc'ut wi na wib chawäch.

2 Ucab Timotey 2:24-26 Man takal ta che ri jun pataninel re ri Ajawaxel chi cäch'ojinic, xane' rajawasic chi are utz chque conojel, cäna'w che ri tijonic, xukuje' cucuy ri qui mac ri winak, 25 xukuje' ruc' manxoyil quebutijoj ri winak ri cäquic'ulelaj ri u tzij. We ne ri Dios cuya' na chque chi cäquiq'uex qui c'u'x rech cäquetamaj ri kastzij. 26 Rech quetzelej chupam ri utzalaj qui chomanic, quebel c'u chupam ri u cämibal ri itzel, e chaptajinak c'u rumal rech cäquiban ri u rayinic.

Ri K'alajisanic 3:17-19 Cabij c'ut: In k'inom, utz in c'olic, man c'o ta jas rajawasic chwe. Man aweta'm taj chi sibalaj at c'okotajinak, tok'ob c'u a wäch, at meba', at moy, at ch'analic. 18 Rumal wa' quinya' a

no'j chalok'o' k'an puak wuc', ri ch'ajch'ojirisam pa k'ak', rech catk'inomaric. Xukuje' chalok'o' sakloloj tak atz'iak wuc', che ratz'iakixic awib, rech man quebel ta u q'uixbal ri ach'analiquil, xukuje' chalok'o' cunabal wuc' che u ya'ic chquipam ri e a bak'wäch, rech catca'yic. 19 In co quebench'abej conojel ri quebenwaj, quinc'äjisaj qui wäch. Chacojo' ba a chuk'ab che ri cabano, chaq'uxea' a c'u'x.

2 Ucab Aj Corintib 7:10 Ri bis ri cuya' ri Dios cuban che jun chi cuq'uem u c'u'x rech cäcolotajic. Man c'o ta c'u bis rumal wa'. Are c'u ri bis re ri uwächulew cuya' cämical.

1 Nabe Ajawinelab 18:37 ¡Ajawaxel ya' la ulok ri quintz'onoj che la, ya' la ulok ri quintz'onoj che la; rech caquetamaj we winak ri' chi lal Dios, xukuje' chi quesiq'uij la chi chetzelej chi uc' la!"

2 Ucab Aj Corintib 4:4 E are' c'u wa' ri man e cojonelab taj, ri dios quech we k'ij junab ri' xumoyirisaj ri qui ch'obobal, rech man cäquil ta ri u chaj ri c'ac' tzijol ri canicowic ri xuc'am ulok ri juluwemalaj Crist, c'aslicalaj u wächbal ri Dios.

Ri Lucax 8:11-15 "Are c'u wa' ri quel cubij ri c'ambal no': Ri ija' are cuq'uemwächij ri tijonic ri cuya' ri Dios. 12 Ri ija' ri xkaj pa ri be, are cuq'uemwächij ri winak ri cäquita' ri tzij, cäpe c'u ri itzel che resaxic ri tzij pa canima', rech man quecojon taj, man quecolotaj ta c'ut. 13 Ri ija' ri xkaj pa tak ri abaj, are cuq'uemwächij ri winak ri cäquita' ri tzij, cäquic'am ruc' quictemal. Man c'o ta c'u qui c'amal benak pa ulew, xa' quieb oxib k'ij quecojon. Aretak cäpe c'ambejebal, quetzelej chquij. 14 Ri ija' ri xkaj pa tak ri q'uix, are wa' ri winak ri cäquita' ri tzij. Are c'u queboc na il chque ri jastak aj uwächulew, benak qui c'u'x ruc' ri k'inomaric xukuje' ri quictemal aj uwächulew, quejik'isax c'u cumal. Man c'u quewächin taj. 15 Ri ija' ri xkaj pa ri utzalaj ulew, are cuq'uemwächij ri winak ri cäquita' ri tzij, cäquicoj ruc' ronojel canima'. Ri e are' cäquik'i ronojel u wäch c'ax, quewächin ruc' coch'onic."

Banoj 15:11 Ri xane' rumal ri u tok'ob ri Ajawaxel Jesus uj cojoninak rech cujcolotajic, je jas ri e are'."

Aj Romab 8:13 We are quiban ri u rayibal ri i banic aj winak re mac, quixcäm na. We c'u rumal ri Uxlabaxel quebicämisaj ri itzel tak u banoj ri i cuerpa, quixc'asi' na.